

## **Communicaziun da medias digl cumegn da Surses (nr. 04-2018)**

### **Surses: igl cumegn surpeglia ena garanzeia a favour dalla Pendicularas Savognin SA**

**La radunanza communalà è accepto cun gronda maiortad da surpiglier ena garanzeia da max. 2 milliuns francs a favour dalla Pendicularas Savognin SA. Chella garanzeia è necessaria an connex cun las investiziuns per biagier ena telecabina da Savognin a Tignas. Ultra da chegl è igl suveran approvo treis novas leschas.**

La radunanza communal Surses digls 27 d'avost è concedia cun gronda maiortad ena garanzeia a favour dalla Pendicularas Savognin SA. Chella garanzeia è necessaria per tgi las pendicularas survignan da cantun e confederaziun - aint igl rom dalla nova politica regiunala NPR - en amprest da max. 2 milliuns francs ed ena contribuziun finanziaria unica à fonds perdu da max. 0.5 milliuns francs per biagier ena telecabina da 10 da Savognin a Tignas. Igl amprest è da neir restituia an terma da 15 onns.

#### **Investiziuns da radond 10 milliuns francs per telecabina nova**

La concessiun dalla soptgera actuala da Savognin a Tignas spirescha pir igl onn 2024. Tuttegna on las pendicularas decida da ramplazzar ella gio ossa cun ena telecabina da 10. Las investiziuns per modernisar l'infrastructura montan a radond 10 milliuns francs. Las lavours da construcziun èn preveidas aint igl decurs da l'otr'onni per pudeir metter an funcziun la telecabina nova segl anvien 2019/20.

#### **Treis novas leschas davart las ovras communalas**

Mintgamai cun fitg gronda maiortad è la radunanza communal approvo la lescha davart igl provedimaint d'ava; davart la dismessa d'ava; e davart l'economia da rusment. Las treis leschas aintran an vigour sen igl schaner 2019.

Ulteriours sclarimaints dat igl mastral Leo Thomann (telefonign 079 405 96 73)

Tinizong, igls 27 d'avost 2018